


明
清
史
料
第
八
本



明清史料 第八本

中華民國二十年五月

刊印

實售國幣壹元

批發處

上海亞爾培路三三一號

國立中央研究院出版品國際交換處

北平北海公園

國立中央研究院歷史語言研究所

代售處

各地商務印書館

北平各書店

代售者 得酌加運費寄費

此書版權由本所保留

明清史料目錄

第八本

七百零一至八百葉

兵部行(咨戶部)稿

七二

直隸巡按張養題本

七四

遼東巡撫袁崇煥塘報

七三

平遼總兵毛文龍奏本

七五

兵部題(天津鮮運游擊王文典呈)行稿

七三

薊遼督師袁崇煥題本

按此即第一本第三葉下缺之件

七七

兵部題(寧遠總兵朱梅塘報)稿

七四

兵部題(宣府巡撫郭塘報)行稿

七八

宣府巡撫李養冲題本

七五

薊遼督師袁崇煥題本

七九

兵部題(宣大巡按葉成章題)行稿

七六

薊遼督師袁崇煥題本

七一

兵部行(督師袁崇煥題)稿

七七

兵科都給事中張鵬雲題本

七三

兵部行(直隸巡按王會圖題)稿

七八

兵科給事中宋鳴梧題本

七三

兵部題(督師袁崇煥塘報)行稿

七九

雲南道監察御史毛羽健題本

七五

平遼總兵毛文龍奏本

七〇

兵部題(山海總兵宋偉塘報)行稿

七七

山西道監察御史田時震題本

七一

兵部行(監視宣鎮太監王坤題)稿

七八

寧前道孫元化奏本

七二

兵部行(直隸巡按胡志藩題)稿

七九

督師袁崇煥題本

七三

直隸巡按胡志藩題本

七〇

監視宣鎮太監王坤題本 七三

兵部題(監視宣鎮太監王坤題)行稿 七三

宣府巡撫沈榮題本 七三

兵部行(宣鎮監視太監王坤題)稿 七四

寧錦巡撫方一藻題本 七五

錦衣衛掌衛事王世盛題本 七六

兵部題(遼東巡撫方一藻題)行稿 七六

監視登島太監呂直題本 七六

監視登島太監呂直題本 七六

李九成就戮殘缺題本 七六

監視登島太監呂直題本 七六

兵部題(山東巡撫朱大典題)行稿 七六

兵部行(山東巡按謝三賓題)稿 七六

監視宣鎮太監王坤題本 七六

兵部題(山東巡撫朱大典塘報)行稿 七五

兵部題(山東巡撫朱大典塘報)行稿 七五

兵部題(塘報登將勦叛)行稿 七五

兵部題(遼東巡撫方一藻塘報)行稿 七五

兵部行(薊遼總督傅宗龍題)稿 七五

兵部題(監視寧錦太監高起潛等會題)殘稿 七五

兵部題(山東巡撫朱大典等會題)殘稿 七六

兵部題(遼東總兵祖大壽塘報)行稿 七六

兵部奉行事件殘稿 七六

監視登島太監魏相題本 七六

監視登島太監魏相題本 七五

控奴禦叛大旨 七六

馬世龍副啓 七六

朱大典啓 七六

失名副啓 七六

兵科給事中洪恩炤題本 七六

兵部題(宣府巡撫焦源清塘報)行稿

七二

兵部行(宣大巡按米助國題)稿

七九

兵部尙書張鳳翼等題稿

七三

宣府巡撫焦源清奏本

七〇

兵部題(宣鎮總兵張全昌塘報)行稿

七四

兵部行(陝西二邊總督洪承疇題)稿

七一

兵部行(山永巡撫楊嗣昌題)稿

七五

宣大巡按米助國題本

七三

兵部行(監視薊鎮東協太監張國元題)稿

七七

宣大巡按米助國題本

七五

薊遼總督傅宗龍奏本

七六

兵部尙書張鳳翼等題行稿

七六

兵部題(宣府總兵官張全昌塘報)行稿

七九

兵部行(宣大巡按米助國題)稿

七九

兵部題(懷隆兵備道張維世揭)行稿

八〇

監視宣鎮太監王坤題本

八〇

兵部尙書張鳳翼等題稿

八一

監視寧錦太監高起潛題本

八二

兵部題(監視寧錦太監高起潛揭)稿

八三

兵科給事中林正亨題本

八四

宣府巡撫焦源清奏本

八五

兵部題(宣府巡撫焦源清塘報)行稿

八六

兵部尙書張鳳翼等題行稿

八七

明清史料

第八本

七百零一至八百葉

兵部行「咨戶部」稿

兵部爲請發犒賞以濟急需事職方清吏司案呈奉本部送准戶部咨專理新餉山東清吏司案呈奉本部送准督師尙書王咨稱屢據塘報東虜挑選精兵駛載攻具賁糗糧糧分爲三路出兵屯扎三岔黃泥窪等處西犯情形萬分孔棘脫或分兵困守寧前大虜從間道直闖關門雖有馬步兵數萬而庫藏如洗賞犒缺乏可爲寒心軍中利鈍全在賞罰有罰無賞何以示激勵而令之効死力乎除布置隄備相機策應外所有犒賞錢糧擬合請發爲此合咨貴部煩請亟發犒賞銀十萬兩差官星火解赴軍前應用其餉司郭竹徵等借欠帑銀一十七萬餘兩查照原旨一併解發來國備辦火器市買馬匹等項需用此乃萬分急需希貴部同心共濟庶危疆可保無虞而醜虜不足憂矣等因到部奉批司查奉此查得逆奴聲息孔棘我師整頓進剿所望犒賞以作其果銳之氣誠勢不容緩者但錢糧款項各有司存本部所司惟是月餉一節而犒賞銀兩向隸兵部辦理成例其在無容他議相應移咨兵部作速解運軍前應用至於郭竹徵等所借軍需總之以國家金錢爲國家用本部何暇分彼此而執慳靳但因關門三月之預發及歲內額外代發皮襖銀庫中已如懸磬且時下又以東事之緊檢關三核諸鎮索餉文移不啻急雨本部方蒿目束手苦無勝算以應諸鎮之急又何暇爲補還計也須俟外解有至庫中稍裕警報稍緩另議陸續補還可耳併咨督師知會呈堂奉批照行奉此案呈到部擬合就行爲此合咨貴部煩爲查照施行等因到部送司案查先該本部題爲欲用將士之命等事內稱錢糧一事非可以紙上爭也犒賞安家臣部口未有例即戶臣所指爲例者非例也新餉也新餉分地畝于臣

部者二厘分數目于臣部者九十四萬此專爲犒賞安家設也臣部慮恐不支故議歸併歸併之後此項在戶部乎在臣部乎近爲奴警調發無端執爭臣部又不得不向該部索討此項而中府會議時臣等仰體司農慨然仍就歸併歸併如故之後此項尙宜索之臣部乎不宜索之臣部乎卷查萬曆四十七年該臣部題爲議補援遼兵馬以重邊防事內准戶部咨行宜大等處爲請討隨任安家銀兩事將總兵杜松員下家丁每名預借安家二兩五錢在于庫貯別項銀兩借發俟新餉齊集照數補還又准戶部咨爲遼左阡危謹遵廟議等事如有援遼官軍啓行即照例給與安家行糧俱于題准新餉支用據此則是新餉之爲安家人糧誠然往例而該部未之查也乃臣部之所謂往例者本年曾與該部算抵借發馬價銀七十萬兩咨稱安家馬價實功屬之臣部今地糧爲東事而加自當爲東事而用又稱加派既行相應扣抵則是新餉未設之時有暫借馬價之例新餉既分之時有扣還馬價之例而新餉歸併之後并無前項二者之例戶臣試繹全文當自洞然于例之一字而無庸臣等贅一詞矣等因奉聖旨知道了欽此欽遵在卷今督帥所請犒賞應聽戶部動支新餉無煩爭執者也相應移覆案呈到部擬合就行爲此一咨戶部合咨貴部煩爲查照施行

天啓七年正月二十五日太常寺少卿管司事田吉

遼東巡撫袁崇煥塘報 天啓七年四月初三日到

欽命便宜行事巡撫遼東山海等處地方提督軍務加從二品服俸兵部右侍郎兼都察院右僉都御史袁爲接解江東官丁事據寧前兵備道畢副使呈准前鋒副總兵左輔塘報據前鋒右營遊擊金國奇報本月十九日據哨探把總金朝兎稟稱據撥夜百總紅旗劉孟祥等稟報從江東石城島過來遊擊一員高萬仲隨帶男婦幼小共六十三員名口騎遼船一隻於二月十二日起身行至三月十七日從大王庄下船撞遇撥夜接解到職審據本官供稱奴酋正月十四日過江東攻尅艾州鐵山一帶地方高麗已隨服四布政有內丁遊擊毛有鑑執招服旗帶領奴酋徑奔望京去訖等語據供到職轉報到協等因轉報到部院據此擬合塘報天啓七年三月二十四日

昨日毛帥有報稱島將有相率而逃者今據報其即毛帥所指乎此風何可長也方司查議

粘簽批「兵垣已有疏糾參矣」左府科書辦王友賢承

兵部題「天津鮮運游擊王文典呈」行稿

少師兼太子太師兵部尚書臣閣等○題爲鮮運冒死微勞懇恩照例○○○○方清吏司案呈奉本部送據天津鮮運加銜遊擊王文典呈稱竊照東江危迫需餉喫緊部院黃先發陸幫於三月間星馳饋運獨卑職題留帶運工部軍器硝黃布疋等項候至六月間方得齊集開○○○○風險阻艱苦備嘗萬死一生經今半○○○○收投繳竊念一身蒙委三差責任重於○○○○苦倍於各官今同運俞明等俱蒙題叙實授遊擊職因發運在後原咨開明俟實收到日叙錄今實收完繳前事告竣已蒙部院黃題薦懇乞俯念一視同仁准照俞明例覆題庶勞苦得伸後効益勵矣前事等情到部送司案查先該天津巡撫黃咨爲○○積勞功無歸著乞憐超拔以廣同仁○○自天啓二年創開鮮運親冒風濤之○○○外之糧接濟島兵業成牽制於茲六載○○歲春初奴雛東掠我兵絕餉勢甚阡危毛帥大聲疾呼嚴旨勒限催逼俞明等不憚茹苦航海飛輪首濟毛營得果軍腹是以人人奮勇斬獲頗多獻俘闕廷以彰朝廷威武應題加二級其王文典押布後往○○○津俟其至日查果實收無欠另爲○○○因在卷今王文典實收已繳應照俞明○○題加實銜案呈到部爲照海外軍兵全資鮮運查王文典與俞明等同冒風波接濟毛帥是同功一體之人而文典又兼解軍器硝黃布疋其勞更倍前此不與俞明等共題者以實收○○○今實收至矣委應一視同仁題加實○○○該司查呈前來相應題請合候命下將王文典陞實授遊擊照俞明等例遇○○○崇禎元年二月十九日太僕寺卿管司○○○○協理清○○○○

兵部爲鮮運冒死微勞等事該本部題○○○○崇禎元年二月二十六日少師兼太子太師本部○○○○等具題二

兵部題「寧遠總兵朱梅塘報」稿 俟後再有報併題

太子太保兵部尙書臣王等謹題爲塘報夷情事職方清吏司案呈奉本部送據寧遠總兵朱梅塘報本月二十四日准前鋒祖總兵塘報據中營都司孟道報據東路撥夜傅天受押解東來回鄉一名仲元祖到職供係遼陽人跟隨四王子女婿倒兒計做部落在瀋陽住於六月十五日自瀋陽起身在各處遊蕩至七月十八日相約男婦十名口從牛莊過河至高平二臺子被東夷約有二十餘騎將九人趕回有元祖跑出撞遇出哨撥夜將元祖沿撥送來又供說達子擇定七月十五十七兩日上馬來搶隨有各王子商議南朝莊稼未熟再待幾日等田禾熟了搶去人馬俱有吃的今達子俱各演放鳥鎗三眼鎗其戰車俱已停當等情到職准此看得奴孽蓄謀已深情形叵測此言雖出回鄉之口情或不虛除嚴行前鋒各將領等官遠近哨探比常萬分加謹隄備外理合塘報等情到部送司案呈到部爲照昨接督師塘報知東夷糾集兵馬約日西來臣部已經入告矣今回鄉遼人仲元祖之言不約而同且稱演放鳥鎗製造戰車姑俟田禾成熟即來犯搶是知奴之處心積慮無日忘我而未敢即動者俟禾黍之成熟爲久住之計耳除嚴行防備外理合具本題知崇禎元年七月二十八日署司事協理清冊郎中苗思順

宣府巡撫李養冲題本

崇禎元年十二月十一日到十二月十五日行河南巡撫訖兵部呈於兵科抄出

欽差巡撫宣府等處地方贊理軍務兵部右侍郎兼都察院右僉都御史臣李養冲謹題爲地震邊牆盡圯築牆工役繁興懇乞聖明仰遵祖制亟復班軍以佐邊工以奠危疆事臣前具地震一疏內開崇禎元年九月初十日夜三更時分地震如雷自西北來連震數十餘次震倒西陽河懷安城柴溝洗馬林李信屯張家口深井等堡城牆城樓邊腹土石輒墩臺以及賊夷窺竊拆毀者不計其數以致在在嚴防時時戒備者無虛日也臣竊念自有長城以來立爲華夷界限使虜騎不得長驅者惟藉此一邊垣耳故祖制額設河南班軍八千一百餘名每年春秋兩班更番赴宣鎮修工邊軍專於戰守故軍得休養而牆亦堅完祖宗立法良有深意柰今事久玩生議改班價而班軍不至矣比時卜永二枝久受羈縻夷夏相安即牆有圯壞不過稍爲補葺以班價雇工聊爲目前之計矣今何時哉插漢內訌兵連禍結兼以地震之後滿目丘墟將何恃而不恐如其班價不缺尙可借以雇工今積欠至一十一萬一千三百七十七兩有奇矣前任撫臣徐良彥目擊邊垣傾塌勢難容緩具題爲虜情日變邊牆日壞懇乞聖明特勅議復班軍催完班價及時亟修邊備一疏於天啓四年八月內具題業經兵部覆奉先帝聖旨這重鎮邊牆急當修築班軍班價報部考成等事俱依議其該道官如法督修併撫按官嚴行稽覈各邊鎮一體申飭行欽此除已通行欽遵外至天啓五年九月初一日准兵部咨准河南巡撫程紹咨前事該本部覆議班軍折價原以免遠戍之勞而又不失修守之費法非不善無奈日久成玩班價多逋則以營伍之中奉行不力耳先經本部覆奉明旨照舊復班赴邊嚴催舊欠班價行咨去後今該省撫按以見年班軍通融議折能完價者本年免戍不完價者如期赴班此亦變通之法經久可行緣絲覆奉欽依備

咨前來除遵行外今已三越歲時備覈該年之見徵從無完報舊欠之積逋未據續完年復一年遂成故事臣前具疏奉旨督催速完乃其拖負固自若也與其冒納價之虛名徒爲畫餅孰若復從來舊例責以趨工與其拖十一萬之金錢茫無著落孰若使四五千之徒旅壯其崇墉前者插因西迎卜永二枝相鬪邊得小康今又乘勝臨邊而毳帳其相望矣此一來也必要挾以講賞賞如不副其求必至興兵乃中國和款之後兵單餉置既無百萬之師奪其氣魄又一重之限杜其往來安乎不安乎可慮乎詩稱孔棘易謹復隍良有以也臣已檄行三道今冬備石料明春議工作若不及今查復班軍則百堵之興徒託諸空言耳一有緩急又何賴焉如皇上而自爲封疆計則行舊制以築長城當無俟臣言之畢矣除估計料價與夫班軍應用口糧鹽菜銀兩應動何項錢糧容臣另疏奏請定奪臣謹會同督師行邊撫禦西虜總督宣大山西軍務少師兼太子太師兵部尙書王象乾巡按直隸監察御史葉成章合詞上聞伏乞皇上鄭重邊防特勅兵部再加查議轉行河南撫臣亟遵祖制自崇禎二年起照舊將應撥宣鎮班軍八千一百餘名分爲春秋兩班春班四千有奇以正月至六月終秋班四千有奇以七月至次年正月初放班如過期不赴彼處撫臣將該都司衛官并坐委有司職名咨臣參奏如以班軍往返當念俟前項邊工事竣再議折價仍一面將見徵并節年積欠班價照數查追完解來邊以資市本打造等項需用庶邊臣得以藉手工工而重鎮從此特有保障矣緣係云云謹題請旨崇禎元年十二月初五日奉聖旨宣鎮逼近京畿修工最爲要務這河南班軍着行該撫臣遵舊制分撥春秋二班依限赴宜聽用過期不到的將該管職官參處積欠班價一並查催該部知道

兵部題「宜大巡按葉成章題」行稿 勸回七慶致死緣絲

兵部尙書臣王等謹題爲夷情事職方清吏司案呈奉本部送兵科抄出宜大巡按葉成章題稱崇禎元年十一月十五日奉都察院巡按口北二千三百八十九號勘劄准兵部咨該本部題奉聖旨昌宜備禦時時嚴加整飭不得以慶殛玩寇七慶致死緣絲巡按官確查奏欽此欽遵合咨前去轉行宜大巡按御史查照施行等因移咨備劄前來奉此該臣未奉勘劄之先接見邸報隨即牌行分守口北道會同懷隆道查會首七慶原於某月某日因何致死務要嚴查的實緣絲會勘明確轉詳立候回奏去後續據分守口北道右參議白聯芳呈查七慶致死緣絲到臣詳批守口道再一訪確詳報又據副使項夢原呈同前事該臣詳批簡閱節次塘報九月初七日據下北路參將張懋功報有打死穿蟒甲不知名夷酋一名奪獲虎喇黃扇諸馬此報見在可據若杜維棟報未見開載有射中穿黃甲夷人墜馬之說又未見開載有內丁杜大金射死緣絲此報亦見在可據豈得因七慶之死增捏杜大金射中黃甲夷人偃然冒爲己功乎該弁慣工欺飾希圖以此自蓋若不看破局面細細查勘七酋之死或當陣云亡或帶傷回巢而斃一一確有的據何以復明旨乎該道再會同守口道勘確詳報去後續據副使項夢原呈稱七慶被箭射死之信自草地傳來所可據者黃舉八當也七慶之被杜大金射死所可據者惟黃舉八當等識認王一奇等所獲大黃扇馬鈔銀鞍轡爲七慶坐馬也但初報原無大金名姓誠以畫蛇添足然大金與一奇爭功則本道所目擊而該將初不知所射之即七慶也遂以未曾割級止報獲馬之人不叙射人之績亦非飾說據職覆查前情七慶的係杜大金當時射死無疑緣絲到臣詳批七慶或死於箭死於砲皆未可知然杜維棟報中並不見有射死黃甲夷人之說至報七慶死後始突然捏入將誰